


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Christian Tangkou

Vol. 55 || No. 04

April, 2019



Editor: Rev. Stephen Chinzathang

Synod Kumpuon:

"Kipah kawm a Pasian nasem" (Late 100:2)

Khristian Tangkou

Vol. No. 55 || Issue No. 04 || April, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Hangpi Manlun
- **Moderator Elect:**
Rev. Zamlianpau
- **Secretary (Sr):**
Upa M. Liensuonkap
- **Secretary (Jr):**
Upa Kapkhanthang
- **Treasurer:**
Upa Chinsuanthang
- **Statistician:**
Upa T. Langkhanmang
- **Executive Secretaries:**
Rev. Stephen Chinzathang
Rev. Khamchinkhai

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom & Thumpi ding..... 04
- Revival & Seminar Report..... 07
- Kross tung a Jesu thugen..... 08
- Easter Sunday..... 14
- Leeng huoihot vawt 15
- Khawlina 18
- Thupil sim inlen ngaituo in..... 20
- Lungdamna 22
- ZPWF Column 23
- Suunna..... 24

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



A SIENGTHOU HAPTA (The Holy Week)

*K*hristian Tangkou simtu zousie Mangpa Jesu min in chibai ka hing buh hi. Pasion mapuina toh hun leh kum te hing peizel in Mangpa Jesu pahtawi a aum hapta kal (Palm Sunday) leh Mangpa Jesu Shina Good Friday apat a thawkiana (Easter Sunday) ahing tung kiata hi.

Khawvel hunte Nivangte i et leh hamsatna, dana, kiel leh tah, sa leh gaal leh muon leh bitna a tom deudeu ta hi. Tua ahi lai in tunia i gennuom ahileh khawvel buoi nan leh nang Pasion ta nahina ah, bang na chi ei chi ngaituo khawm lei dei huoi isa hi. Tuami i theitena ding in tami thupi in zang lei ka chi hi. "Thupi: A liemna in nangma ahing sudam ta hi" Isai 53:1-6.

Pasal khat damlou gimsie mama khat a um a, tuachin ama zong gimsie thei ding dinmun a um ahi chi aki theitah in Pastor pa ahan sah a, tuachin Pastor Pa kungah tambang in dohna khat a damlou pan ang bawlta hi. Tua hileh Pastorpu, damlou gimsie mama kisie lupnatung a um pa khu ngaidam ahi diei? chia a doh leh Pastor pan umlou, ahin Pastor pan nemdeu in adong a tua khu ahileh Kalvary ah aum hi achi hi. Tami donna in agen khu ahileh kisiana pen bang hun banghun hita ven, tua eiten ngaidamna i mu na ding papen khu a poimaw ahi china ahi. Isai 53:1-6 in ngentel/chieng tah in Mangpa Jesu Kross auplai in

ama thuohnate ziehin koiten suohtatna atang ei chi agen chieng mama hi. Khatvei teng leh Mangpa Jesu shina lim te leh akikhai lupdante imu chieng un lungsim a hung sukha mama hi.

1. Tua ahilai in Mangpa Jesun bang ding a tambang thuohnate a hing thuoh ahei chi i ngaisut chiengun leh Pasian eite a ding a akipiehzou dan muthei in ahing kilang hi. Tua thamlou in Mangpa Jesu pen pahtat zong alaw ngaisih chin zong mu thei ahi. Ahileh eite bang chi Pasian a masa a koi sang a eite ki koi masa ngentang hilou ima?
2. Mangpa Jesu ei ding a ahing shina khu bang zieh atadie in leh chi ngaituo kia vai. Ki doupi I lai in French Officer khat thautang leng in ang kapkha ta a, aki kapna liem a muna hileh lei kuoh a aki butna polam ahia, tuami mun ah kipia theilou in ang lum ta hi. Tuana French Officer pa thau tangin a kap khah na kim leh pam ah thautang thauvui a leng zengzung hi. Tua a Sappa ama leh ama, kihem thei nawnlou leh aliemna mun a lumdenpa pen achi maw mama hi. Koima ama hun doh ding in a va kipe ngam sih uhi.

Tua ahilai in Sepai tangval naupang noukhat a kibutna lei kuoh sung a pat in taipot in a pupa kikapliemna mun zuon phe in ang taita hi.

Aloi ten zausah mama in nuakia ding in thu apia uhi. Ahivang in tua sepai tangval naupang papen in a Sappa umna zuon in thautang thauvui zau zoulou in agal te uh panna la ah a pupa/sappa thautang in a khah thei louna lam ah akizam in a sappa khu aliem belouna ding in ama ahing kidawta hi. Tuabang ma in Mangpa Jesu shina zong tambang in gentena a kibawl hi.

Mangpa Jesu nang leh kei a ding a shi a Isai in agen na ah khawvel khelna in Mangpa Jesu a liemsahna leh a melsietsah dan a ensah hi. Amel in mihing mel mangsah in a thuoh hi, a hoina zong a beita hi. Khelna guoh hilou in dana leh lunggimna zong a ensah hi.

Kalvary i etchieng in Mangpa toh toukhawm ding in kigel in Pasian toh toukhawm thei nailou na hileh kingaitua in leh Mangpa Jesu shina ah shi in Hinna thah toh hing thoukhawm ta un.

ISai 25:6-9: Tam Zion muol ah Mangpan leitung nam zousie imm ding ann tuipen zuchiapente la in annkuong luina a siemta a, v7. Nam tuomtuom te tung a lungkhamna meipi zousie aman tawlmangta van v8 Vanglien Mangpan shin khu bangchih tanna ding in suseta va, Aman mithi te uh siehhul pieh van, leitung gamteng a azatatna zousie uh lahmang piehta va. Mangpa ama ngel thugen ahi. Ch.9 Tam thu ang tangtun chieng in “Ama i Pasian uh ahi! Eiten Ama i muana i nei ua, aman ang hundamta hi Halleluiah, Ama thawkiana khu ngaitua dan a umsih, ahin a Athouta Athouta Khawvel in a dou zoulou Setan in a dalzoulou shina apat a thou ta nang leh kei a ding in, Khawvel sakhuo tengteng tung a tungtuonna ahileh Mangpa Jesu Thoukiana khu ahi Mangpa ah kipah vai, Buddha haana um a bie uh Muhammad ama deina bang in a kivui a Medina tua Saudi Arabia gam ah ahan a um nalai hi. Hare Krishna leh Confucuses kichipa zong a thoukia sih uhi. Mangpa Jesu maimai Pasian kichite lah a athou kia tua thoukia Pasian khu nang gintat pa Pasian khu ahi. Tua Jesu Pasian khu ahi shina in aval mang zoulou Pa shina zou pa khu ahi.

Khelna man khu shina ahi, a hin Jesu thokiana in shina man a pezouta hi. Sawltah Paul in Corinthian te kung a ahi tahtah khu a poimaw ahi achi bang in Mangpa Jesu thokiana khu a chieng a zong atahtah ahi. Ginglel Thoma kung a Mangpa Jesu teipi a ang kisut na tham in kanah pua teipi in ang ki dotna mun a na khut zung thun in achi ngam hi tua ashisa Jesu kammal ahi.

Tuaziehin tunia lungngai Hapta kal sung a i tua te uh khu Pasian nasep ahi nang leh keimikhiel a ding ahi ziehin muongngam va pangngam in Pasian ta hiding in hanchiem vai. Zuivai, be vai hinpi vai.

Mangpa'n simtu zousie Mangpa Jesu thawkiana guoljawlna muanna leh kipahna na lungsim zousie na innsung leh na Khristian hina a hing mapui in semtam petam leh hinpi theizing dingin hing mapui taken.

.....

Thy tuomtuom leh Thumpi dingte



01. Pasian hoina leh mapuina toh Synod Year Planner umsa bang in Hattuum china nipoimaw umte amanpha thei pen leh anuom theipen a zang leh mangchiet dingin thumna toh kisakhol chiet vau.

- 1) Palm Sunday - April 14, 2019
- 2) Good Friday - April 19, 2019
- 3) Easter Sunday - April, 21, 2019

02. Mangjing Mission Field Headmaster tha in Joint bawlta: Pasian in Amisiengthoute thumna hing dawng in Mangjing Field Headmaster tha Mr. Thangkhanlien leh a innkuonpiten Dated 6th Feb. 2019 niin Joint bawlta Rev. Khamchinkhai i/c Mission leh akisai piten va koi uhi. Tualeh Dated 10th Feb. 2019 niin Commissioning Service vaneipi uhi. Ama Headmaster nna mai hilou in Presbyterian Church of India (PCI) theipi a Missionary nasem zong ahi chi thei kawm in Ama leh a innkuonpiten adin thumpi vau.

03. ZPYF Co-Ordinator tha: Pasian hoina leh mapuina muongkawm in hun bangtan ahei hatna nei ahinua in Dated 6th March 2019 niin interview neisah uhi. Tehna leh buhna china etkhiet ahi nua in Mr. Pausuonlien s/o Phamsa Zamkhothang of Manniang khuo lung kituoh tah in la uhi. Maban asep ding satah umte ang sepzaw theina

din thuohzawna, gin umna leh dihtatna hinkhote ngetpieh vaui. Tualeh ama leh a innsung mite a din zong damtheina nget pieh vaui.

04. Pro. Pastor Suina: A 15vei Synod khawmpi thuphasah umsa bangin Zou Synod huong sunga semding Pro. Pastor mi -3 (thum) kidei hi. Amauten kingetna lai May 15, 2019 apat June 10, 2019 tan Office kai hun in ZPCS Office ah pieh thei ahi ding.

Chitna diingte:

- 1) ZPCS mi-le-sa, Serampore University nuoi a BD zousa ahi ding.
- 2) Mi piengtha dihtah Pasion hatna nei mi ahiding
- 3) Tep-le-muom, neh-le-dawn a kikem siengthou zou mi
- 4) Kum 40 nuoilam mi ahi ding
- 5) Local Hattuum leh Biel Pastor theipina lai, Class-X tunglam Education Certificate, Photo Copy khat chiet Pasion mizat manpha hagau mi, pawlpi itmi mukhiet ahi theina dingin thumna toh pang chiet vaui.

05. Tuunnu Liimbel Warden Tha: Zou Synod nuoia ZPWF te pan lahna toh Taga kepna (Orphanage Home) a Warden a term abei tah ziehin atha Pa K. Ngankulakpau s/o Pu Bangngainangpau of Zouveng (Central Church) lah ahi. Ama'n naupang (Taga) nu-leh-pa neiloute enkol in akem ding hi. Apeisa Feb. 01,2019 niin etkolna nna sem ding in Joint a bawlta hi. Ama leh a etkol naupangte kepna adin thumsah chiet vaui.

06. Thumna toh damlou vena: Kholum, khovot ki henglamdang toh kituoh in tulai damlouna ahat mama a, a khente damna ngai a Hospital a ki admit pawl aum dinga, akhente OPD apat Doctorte ngel piehte ne a damna nga bang aum dingua, Akhente Operation ngai bang aum ding uhi. Amaute hamsatna theipi kawm in thumsah chiet vaui.

- 07. ZPWF Khawmpi kizang zouta:** Pasian in amisiengthoute thumna hing dawng in apeisa March 15th-17th, 2019 sung in Presbyterian Church of India Zomi Colony ah a 8veina ZPWF Biennial Khawmpi loh tah leh lawching tahin kizang zouta. Mihing genkhiet thei chet lou Pasian Hagau pawlna lamdangtah tang in Biehinn tala zen in tunkim nitah apat kipum dim hi. Tukum huop a Synod lienga khawmpi khumsinna zong ahita. 2020 kum pen Presbyterian Church Khuoinuoi ah Seminar Vaiguon in zang ding ua, 2021 kum pen 9th Biennial Khawmpi Presbyterian Church of India Lailam Veng in zintun ding uhi.
- 08. Thumsahna:** Tukim i mi Nam Sung leh i pawlpi sung a High School leh College mun tuomtuom a Siemjil naupangi neite a din thu ngetpieh vaui. Amaute khatvei chienga i Nam leh i pawlpi kingahna khuom leh bante hing hiding ahi uh chi theipi kawm in tatlou in thumsah vaui. Tamteng ban ah outside Manipur a laisim te leh Competitive exam tuomtuom adia kisa kholte a din zong thumsah vaui.
- 09. Inauguration of Tripura Presbyterian Church Synod:** Pasian hoina, mapuina toh Dated 24th March niin NOASANG Tripura ah Rev. Lalramliana Pachau Moderator PCI in Tripura Presbyterian Church Synod Honna leh latna nei ahi. Zou Synod apat in Rev. Stephen Chinzathang Sr. Executie Secretary leh Rev. Dr. Hangpi Manlu Moderator leh Upa Kapkhanthang Secretary (Jr) Zou Synod vatel uhi. Pasian umpina toh lohtah leh nuomtah in vaiguon vazang zou u hi.
- 10. PYF 23rd Biennial Conference 2019** PCI nuoi a um Synod Sawm leh khatte kikhaikhawmna Presbyterian Youth Fellowship (PYF) 23rd Biennial Conference Mawkhar Church CE Union KJP Synod Sepngi ah ang tung ding 3th-5th May, 2019 chieng in um ding hi. Thupi: 'Rise and shine' Pasian hoina leh mapuina lohtah leh amanpha thei pen a

zah leh man ahitheina dingin thumna toh panpi in thunget pieh vaui. (ZPYF Choir Nipini Sun ah tuoleh Bible reading and prayer hun zong itang uhi).

.....

Reports

TUININGKUOL DISTRICT, PWF REVIVAL LEH SEMINAR

Date 23-24 February, 2019 sung in Tuiningkuol District, PWF te'n Presbyterian Church Tuining ah Seminar leh Revival Programme lawching tah in kizang zouta hi.

Seminar a Resource persons in Rev. Kaimuanlal Bieltu Pastor leh Rev. Awnkhankhup pang uhi. Tualeh Revival Speaker in Rev. Awnkhankhup pang hi. District sunga PWF te tamtah in Programme ki uop in ki phattuompi mama hi.

Report petu

Sd/- Nu Engzaching

Secretary, Tuiningkual District, PWF



TUININGKUOL DISTRICT PWF SEMINAR

Mission Column

Date 3-3-2019 ni in Paspati Mission Field apat in Baptisma tangtha ni a um a amau te:

- 1) Prakash - 17 years
- 2) Anjali Pradhar - 13 years

Date 19-3-2019 ni in Mangjing Mission Field apat in Baptisma tangtha mi 8 a um a amaute

- 1) L. Ruth Chinneikim - 9 years
- 2) Irengbam Mandakimi - 11 years
- 3) I Bebekka - 10 years
- 4) I Benjamin - 9 years
- 5) I Elizabeth - 5 years
- 6) N. Bijoy - 63 years
- 7) N. Ithoi - 34 years
8. N. Lhingjem - 3 years

Mangpa'n tam i Field tegel apat in gingtha leh Baptisma tangtha angpieh zieh in nuomthu i tut hi. Tualeh Mangjing School a sem dingin Evangelist Cum Head Master dingin Pa Thangkhanlian in zong Date 6-3-2019 ni in asem panta a, ama uteng a dingin thum zing vaui.

.....

KROS TUNG A JESU THUGEN SAGITE

[Good Friday Message]

- Rev. Dr. Hangpi Manlun

0). Thupatna: Khawvel a mi tampiten a shikuon chiengun a hinkhuo peisate uh a nua gel jeljel uhi. Tuaban ah a innkuonte uh leh a lawmte kung uah vaihahna thute a gen jeljel uhi. Tuachimabangin, Jesu khu tahsa hing pieng in, za a za Pasion hina leh mihing hina hing nei in tam khovel ah a hingpei a, tualeh a

shi kuan dingin Ama'n Khross tung ah thumal/kamteng sagi a gen hi. Tamte khu "Khross Dawn a Jesu Kamteng Sagite" a kichi hi. Tuate isuiding uhi.

1). Pa, Amaute Ngaidam in a silbawl uh atheilou jieh uh ahi (Luk 23: 34). Mangpa Jesu khu mikhielte a ding a hundamna lampi a bawlsah thei na ding in, khross ah kilbehin a hing um hi. Khross kung/gei a mipite leh sepaite'n chiemmuibawlnan nei ua, zu thua a pia ua, tualeh a kung ah hichiin a chi uhi, "Judate Kumpipa Na hi leh, Nang-le-Nang kihundam in!" (Luk 23:37). Banah a kung a migilou kikhaite khat in zong a housie a, hichiin a chi hi, "Khrist hi lou na hiei mah? Nang-le-Nang kihundam inlen kou zong hing hundam in!" (Luk 23:39). Mangpa Jesun amaute ading in a thumsah hi. Jesu'n Pasian kung ah a khelna/suol uh ngaidamna ding a kikirbehin ahi chi thei lou mite a dingin hepina leh ngaidamna a ngetsah hi. Amaute'n a silbawl uh khelna/suol ahi chi zong theilou ahi maithei uhi.

A lungsietna bangchi lawmlawm a thuh leh thupi ahitai? Jesu khu Pasian bangkimbawlthei toh pumkhat ahi ua a ut leh jong Khross apat in bailamtaha hing kum in A suohta thei hi. Hinanleh, jong Pasian deina bangin hundamna dinga kiguot a suhbuchin theina dingin kilbehin a um hi. Tuajiehin, Ama'n bawlgentheina leh zumna chinteng a thuoh zou in, lungsietna lientah toh a thumpi a tualeh ngaidamna ngetsah zosop hi. Tamtah ah, "amaute" kichi in Ama kilbehtute leh chiemmuibawltute bou/chau a kawh sih hi, mi koi zong Jesu Khrist pom lou zousie leh miel nuai a tengte zong a kawh hi. Tualeh Jesu'n Khross a kamteng masapen tungtawn in Pasian deidan/zawng bang ahiei chi leh Khristian lungtang pua dingdan ahing hil hi. Matthiu 5:44 ah, hichiin a chi hi, "Hinanlehzong ka hing hil ahi, na melmate lungsiet inlen tualeh nang hing sugentheite a dingin thum in." Tuajiehin ei hing sugentheitute zousie a dinga i thum thei ding uh ahi.

2). Tuni in Kei Toh Paradis ah Na Umta Ding Hi (Luk 23:34).

Jesu khu Golgotha, “Lugu mun” a khaikang ahilaiin migilou ni zong Ama toh kilbeh ahi uhi (Luk 23:33). Migiloute laha khatpen in A kung ah simmotahin a hou hi. Hinanlehzong a khat pen pa’n migilou masapen a phawh/taia, ama a khelnate a kisia a, tualeh Jesu a Hundampa in a pom hi. Tuachiin Jesu’n Paradise ah Ama toh a umkhawm dinguh chithu a chiem hi. Paradise khu Abraham angung ahichin Jesun a gen hi. Tualeh Thuhunlui hun lai a misiengthou sisate hagau uh umna mun ban ah Paulin van thumna umbang in jong a gen hi. (Ephesa 4:8-10). Jesu’n Amakhu Messiah misuolte a kisia chieng ua ngaidam thei leh Khross a, A kamteng nina tungtawn a hundamtu ahidan a puongdoh hi.

3). Numei, Tamnah Na Tapa:

Tamnah Na Nu. Tuaziehin Jesu’n a nu leh, nuajuite a itpa a kunga ding a mu tah in, a nu kung ah, “Numei, en in na tapa!” a chi hi. Tuachin,

nauzuipa kung ah, “En in na nu!” achi hi. Bible i et chiengin, Jesu’n “nu” achi sih hi. Etsahna dingin, Johan 2:1-11 sung ah, Jesu’n a nnasepna apat nua a tui uain a suohsah a sillamdang masapen a bawl hi. Tam sillamdang khu Galilee a Kana khuo a kitenna a siltung ahi. Jesu-le-a nuajuite zong chiel in a um uhi. Uain ahing bei tahchiengin, Mari in A kung ah, “Uain a nei nawn sih uh,” a chi hi, ajiehkhu ama’n Pasian Tapa ahi a, Jesu’n tui uain a suohsah thei hi, chi a thei hi. Jesun a kungah hichiin achi hi, “Numei, nang hing theisah ding bang a um ei? ka hun atung nai sih hi” (tang. 4).

Jesu Ama-le-Ama kipuon in Khross a mihingte hutdamna ding Pasian silguot subuching in i Hundampa dinga khovel a hingpei ahi chi a gen hi. Tuajiehin Mari khu “nu” chi lou in “numei” a chi hi.

4). Eloi, Eloi, Lama Sabachthani (Mark 15:34).

Tam khu Aramaic ham ahi a, thuhamsa mama ahi. Azieh ahileh “Pasian in Jesu

taisan/peisan ngai ei?” chi ahi. Gnostic pawlin Jesu khu baptistma atan lain, Ama ah Pasian hina ang um a, ahin khenbeh a aumtahn a Pasian hina in apeisan/taisan bang in a gen uhi. Ahina Jesu khu bangchitan dongin Pasian in ataisan ngaisih hi.

Jesu khu Khross ah jinglam dah kua in kilbeh in a um a, tualeh dahkal thum nua in, sun tang laitahin, leitung pumpi ahing miel a nitaahlam dah thum tandong china ahi. Naikal guh zou in, Jesu’n Pasian a han hi, “Eloi, Eloi, lama Sabachthani?” Jesu khu A gim mama hi, ajiehkhu Amakhu gamdai nisa khautah nuai ah A sisan leh tui luong in Khross tung ah naikal guh sung A kikhai hi. Amakhu hagim in A gim hi. Ahisihleh bang dinga, kikou ahiei? Ama leitung a a hingpeina jieh ahileh dawimangpa nnasepte suse ding leh eite a dinga hundamna kot hing honsah ding in ahi.

Pasian in A Tapan khawvel khelnate a puoh ziehin en ngamlou in aumban

ah, Mangpa Jesun jong thawmhauna nasatah tami hun in atuoh hi. Tuachin thawmhautah in,. “Ka Pasian, Ka Pasian, bang dinga hing taisan Na hiei? chiin ahan hi..

5). Ka Dang a Tah. Tamnah Samaria gam a tuikul bul a dawnding tui anget bangin tamnah dawn ding tui angen hi. Thuhun Lui ah, Jesu Khross a A thuoh ding toh kisai genlawhna tampi a um hi. Late 69:21 ah, hichiin a gen hi, “Ka ann dingin sitheina gu ahing pie ua, ka dangtaah chieng in kadawn dingin, zupawng thuapi ahing pie uhi.” Late a kigenlawh bangin, Jesu’n, “Ka dang a taah,” a chi a, mite’n spangi zu thua/pawngpi a die ua, spangi khu hussop chiengkang dawn ah atah ua akam toh sutuo tou uhi. Bethlehem khuo a Jesu Khrist a pien masang hun sawtpi in, Late gieltu in Jesu Khross a kilbeh leh A shidingdan ana mulawh a ana giel hi. Jesu’n, “Ka dang a taah” A chi a tuachia Pasian Laibu khu ahing tangtun theina ding in.

Khross tung a Jesu kamteng ngana, “Ka dang a taah” hagaulam umzie toh kisai i ngaitua ding uhi. Mi tampite’n gilkielna a thua zou ua hinanlehzong dangtaahna a thuoh zou sih uhi. Jesu khu gimse dimdem hi ajiehkhu Khross ah dahkal guh sung kilbeh ahi a tualeh gamdai a ni sa mama nuai ah A sisan a luongsahhi. Tamkhu Jesu’n, “Ka dang a taah,” a chi in tahsalam dangtaahna sangin hagaulam dangtahna ana sazaw hi. Jesu’n tua hagau mangthangte hundam A utdan hing lahna dingin A dangtahdan ahing hil hi. Tuajiehin, Jesu sisan hingluonna tung a na kipaah ding ahi a, tualeh mite hundamna lampi a pui tuin A dangtah sudai in.

6). Zaw Ahita: Johan 19:30 ah, Jesu’n dawn ding a dawn a tuachin, “Zo ahita” a chi a, tuachin A lu kunsuh a, A Hagau A hata hi.. Tamkhu in hagaulam ah bang kawh a nei ei? Jesu khu tahsa ahing kumsuh a, leitung ah A hingpei a, khantanhoi ahing gen a, hatlou/chaute leh natnate

ahing sudam hi, tualeh shiding a laitan a umte a dinga Khross pua in hundamna lampi a siem hi.

Mangpa Jesu Ama-le-Ama kipekhia in khross khawvwl khelnate puoin A subuching hi. Tualeh, dawimangpa tung a guolzou in dawimangpa nnasep zousie a suse sieng hi. Tuakhu, Ama’n mihingte hundamna dinga Pasian siltup a subuching hi. Tuajiehin Jesu’n, Khross tung ah mikhielte a ding hundamna nnasep zouin “Zo ahita” a chi hi.

7). Pa, Na Khut ah Ka Hagau Ka Kemsah hi. Khross tung a, Jesu kamteng nuakhiapen khu “Pa, Na khut ah Ka hagau kahing kemsah,” A chi hi (Luk 23:46). Bang ding a Jesun a hinna Pasian khut ah kepsah sah e? Ajiehkhu Pasian khu Siemtu, lei leh van a bangkim tung a vaihawm leh na hinna, shina, hamsatnaleh guolzawl na enkoltu ahiziehin ahi. Tamkhu in a gen khu, bangkim Pasian a leh A vaihawmna nuoi a um ahi. Tuaban ah Ama’n miten aw ngaitah a kikou a zah ding uh

deidan/zawng ahi chi a theisah nuom hi. Tuaban ah Aman Pasion deina bangin sil zousie a subuchingta chisuhlatna zong a hi. Taukhu, Ama'n Pasion thumanna bukim toh A nnasep ding a zo nua in Pasion kungah A hagau A kemsah theita china ahi.

Upa (Dikon) Stephen zong Pasion deina bangin a hing a tualeh ginna khu a kem zing hi. Tuajiehin “Mangpa Jesu, ka hagau ana sang in”chiin a hu tawpna a laah toh kiton in a thum thei hi (Nasepte 7:59). Eite jong Pa Pasion deina bang a ihin ua shitan a gin umtah a nna isepchieng un ishini chieng un hangsantah “Zo ahita” tualeh “Pa, Na khut ah ka hagau ka hing kemsah” ichithei giep ding uhi.

Jesu Shi Nua in Bang a chi eile?

Khross a Jesu khu aw ngaitah kikou a, A kamteng nukhiapen A nuasiet zou in A shita hi. Tuachin, biehin a puonzaah khu a tunglam apat in a nuailam tan in phalni a kesuh in ni a kisuo hi. Tamin hagaulam a etsah poimotah

a nei hi. Biehin a puonzah sautah khu Mun Siengthou leh Siengthoupen khenna ding ahi. Siempu chilou Mun Siengthoupen ah koima a lut thei sih hi. Tualeh mun siengthoupen a kum khat in siempu lal khat vei maimai a lut thei hi. Biehin a puonzah hing keh in Jesu khu Ama-le-Ama lemna kithoina suolna bang suchim dinga kithoi ahi chi jong a kawh hi.

Jesu shina tungtawn a khelna baang a chiptah jiehin Pasion toh kizopna tangtahn na nei thei hi. Tuakhu, Jesu Khrist a gintaatna nei zousie mun siengthou ah a lut thei ding ua tualeh siempu lalte ahisihleh zawlneite palai ngai nawn lou in Pasion biehin a thum theita uh china ahi.

Tuajiehin, Hebru gieltu in hichiin a chi hi, “Tuajiehin unaute aw, Jesu sisan jieha mun Siengthoupena lut ngamna hangsan nei in. Eite dinga ahing bawlpieh lampi tha leh hing ah puonzah (tuakhu ama tahsa pumpi china ahi), kaantan in (Hebrute 10:19-20).

Banah, leitung khu a kithing a suongte a pawhkeeh hi. Tamtobang siltung ngailou tung in khovel a sil um zousie a liingsah chi ahing hil hi. Hansuongte a kihong a tualeh misiengthou ana sisa tampite pumpi khu hing a kaithou kia

ahi. Tamkhu Jesu Khrist gingta pouma ngaidam leh hing kia ahi uh chi chetna thokiana ahi. (Note: Tam a tung a thute khu Rev. Dr. Jack Roeck Lee laibu apat leh keima sermonte apat kilasawn ahi uhi).

EASTER SUNDAY

- Upa Kamgenpau
Jr. Accountant.

Khawvel hun leh kumte hing kiheijel in Khristiante ding a ni poimaw ineite Khristmas, Kumtha , Palm Sunday, Good Friday, Easter Sunday leh Pentecost ichite pansan a, Easter Sunday thawkiana thu ihoulim ding uhi.

Thawkia hun kichi khu Khristiante ding a thugin kingahna suongphum ahi chi ithei a poimaw hi. Tam thawkiana kichi khu Thuhun tha busung ah 104 vei gen lah ahi. Jesu han apatsa a thawkiana han awng khu Khritiante ding a i loupina uh ahi. I Mangpa Jesu Kros dawn a akikou in ka zouta hi. Jesu thawkia lou hileh eite migenthei vangsie ihi ding ziehin, tualeh khelna a umnalai ding ihingal ua, Paul in I Korin 15:16-19 I Mangpa Jesun anithum nia thoukia

ding kahi zong ana chi hi. Mat. 16:21.

Jesu thawkia ngei ahi chi theipitu (witness) zong aum hi.

1. Jesu Mary Madala kung ah kihil - Joh. 20:17
2. Jesu numei kung ah kihil Mak 16:1-3
3. Jesu Peter kung ah kihil Mak.10:17 Lk. 24:34
4. Nuazui 11te kung ah LUK 24:33, Nasepte 1:23-26
6. Nuazui Thoma Joh. 20:25-28 leh adang dang kungah kihil hi.

I Mangpa Jesu thawkia ta sih leh bang ichi diei?

1. I ginna bangmalou suoh ding
2. Khelna umden ding
3. A shi zousie a beimang ding hi
4. Shinua kinepna a um sih ding hi

I Mangpa Jesu shina apat a thawkia tah zieh in, Ama Jesu khu thawkiana masa ang hita hi. IKor. 15:20 khumbang ma in han hing kihong in misiengthou shisate zousie a hing thou uhi. Tuachin khopi siengthou ah alut chietta uhi. Bangza a hamphat um atai thawkia kichi khu, alamdang a loup i ahi ('Thupoun 20:5-15). Thawkiana masa thu igel in a chieng mama hi.

.....

Thawkian masapen a tangte a nunnuom uhi; shinina in atung uah thu aneinonlou ding ziehin thupoun 20:13. Tuipi in mishi a valmangte a pekhie in, mishi phuol a umte zong apekhetta hi. Thawkiana umlou hitaleh, abih in eite iginnate uh bangmalou a suoh ding a, tua khu i thuginkip kingahna suongphum Hattuumte a ding in ahi.

Joh. 5:29 Tuaziehin han apat in hing thouva un silhoi bawlte hing thoumasa va uh, sil hoilou bawlte zong hing thouvan siemmaw tang ta va uh tuaziehin unau thoukiamasa a na panna ding in Jesu Khrist na gintat a ngai a! a gingtate dingin thawkianamasa ah hinna nei in ithou ding uhi.

LEENG HUOIHUI VAWT

- Upa K.C. Manga
Tongdam

N*idanglai* in Leeng zousie tung a Leeng lien mama khat a um a, ama nuoi a Leeng leh lal, mipil mihing, hinna nei zousie tung ah thuneina tengteng ama kung ah aum hi. Tua Leeng lien penpen in a gamsung ah "Kumtawn thei" chiing ding in, pasal piching zousie ah nakhawm a, A gam ning khat ah Loubuh 10(sawm) leh Loubu 10 te enkol ding leh kemtup ding in Pasal

gensiet bei mi 10 leh misawmte kemptup ding in, mi nih, misiengthou vawt la asawm a, tua Loubu a na sem ding ten, aseping uh Huon abawl ding leh Huon ah “Kumtawn thei” aching ding uh tua ‘kumtawn thei’ pen Leengpa kung ah, Hinna Tuin” tan lou a ala dingua, asun azan chi lou a, kumtawn thei khu Hinna tui abua zing ding uh leh Huon dai a det theitop a akai ding uh, tam sepna sem utte’n tam anuoi a Lengpa Number 7 te zui bukim ding a, Lengpa mai a akichiem ding ahi. Thuhun te tam anuoi a bang ahi:-

1. Innkuona Buh a kitol lut ding.
2. Buh a kipat a, Huon a Gam in a dolzat zat huon abawl ding, huon sung a, kumtawn thei aching ding, hinna tui a buoh zing ding.
3. Kumtawn thei adamtheina ding a pan ala, asun azan a aen zing a, leihoi abuah zing ding.
4. Huon sung agantate alut louna ding a, dai ahoithe

top a akai ding, dettah a daikhuomte aphu det ding, Sie dai dettah a akaih ding.

5. Lengpa kung a Hinna tui asun azan a ahuaon a, kumtawn thei buoh ding ala zing ding.
6. Kumtawn thei a ga chieng a, aga mite chiin ding a apie sawn ding.
7. Kumtawn Thei aching sung a tomnoui pahpeh, vulpai theigah, vangphatna chia kilawm, huoisevot a vangsieta tuina, khanggui sattanna theiga aching/abawl lou ding.

Tuachiin mi nemp Interview Leengpa Innsung “White House” ah aum a, Leengpan Hangsan tah a amai akichiem ngamte Buh sung a a innkuon a um ding mi 10 leh Buh sung a mi 10 te enkol leh kemptup dingin misiengthou vawt mi 2 (nih) ala tahi.

Tuachiin Buh a kipat a Huon bawl dingte lah ah mi 2 maimai a innkuon un akitol lut ua, mi 2(nih) innkuonte

lah ah khat pen in a innkuon un, Huon abawl pai ua (Joshua 24:14-15). Daikhuom dettah in aphut a, Sie dai hoi tah in akai a, “Kumtawn thei” aching a, Leengpa kung ah “Hinna Tui” la in abuah a, Leihoite buah in, tua chin a Thei khu ahing ga hoi mama a, (John. 15:7,8). Tuachiin a ga khu gamdangte, kumtawn Thei a um lam theikha nailoute kung ah achiin ding in a thot kheta hi (Mt. 28:19,20).

Tualeh buh sung a, a innkuon ua thumang taha, akitollut mi khat pen “Kumtawn Thei” chiing manlou in, thupieh sagina bawllou ding leh chiing lou dingte aching a, abuoi mama hi (Mt. 21:43; 25:24).

Tualeh Semtu gin um dia kihahsiel a, kichiem va pumte lah a mi 8 te lah ah mi 5(nga) te Buh ngah din a innsung mite nuasie in, ama ama tang in, buh ava ngah sam ua, Aji atate angai ban ah thupieh 7 na toh kituoh in, a innkuon abuh ngah dia kitollut pa sang a, koi “Kumtawn Thei” chiing ding ahi lam theinapi in, anelsie

mama ua, Huon pen a bawl pou pou ua, “Kumtawn Thei” kituhna ding hileh kilawm, Lei kitoubuot mizousie in a mu uhi. Hinanleh Leengpa lah ajau mama ua, kumtawn Thei awl a tu ding achi nalam un, Haichi tu ahing kikhel manta hi.

Tualeh Semtu Buh a a innkuon a kitollut ding mi 3te ahi uleh akidaphou ua, iloite mi 5 te’n aji atate toh zong peisih ua, ama tang pei un, “Kumtawn Thei” zong chiing tuomsih ua, Buh sung a eima tang a vagieh chipen mawt vai hi achi ua, Galvil thaw ding akhu achi ua, a Galvil ta uhi (Mat. 22:5-8 & 14; Mat. 24:50-51).

Tualeh Buh ngah mi 10 te Leengpa deina bang in, apeina uai mah chia enkol/kemtup dia mi 2 (nih) a guotte zong semtu mi 10 te tung a thupieh 7na toh taangbuoi in buoi in, Leengpa thupieh zui man lou in, buoi lia din akisa ta uhi (Mat. 24:11-12).

Tuachiin Leengpa’n ana sep uleh achetthei dan uh amu in, noute na thaman uh Seki khat zong bat ka nei sih a,

hei ha “Misawm ka sudam aslh amah? adangte heita e” alungthahna Meikuong savawt bang in alungthah a, ka Huon a kumtawn Thei chiing ding in, mihatloute, michimawte khut ah ka peta ding hi. Na khang uh kavattan ta ding a, natu natate uh mite suoh leh sal in akhangkhang in aum ta ding ua, Noute zieh in nachi nanam uh amangthai ta ding

hi achia, “Kumtawn Thei” chingpa akipatin ama khang khu ka guoljawl ding a, noute ahileh Meilipi kumtawn a kah leh Hagoi in na umta ding uhi achi (Deut. 28:20; Eze. 34:23). Bil nei tapou in zata hen, Mangpa’n tam thu pieh theisiem dingin, simtu zousie guoljawl in, vangbuohta hen Amen.



- Upa Khupsuankham
Contributing Editor

Tulai in mun tuomtuom ah khawlnei man tungtang ah kihilna thu tuomtuom tanchin aum a; khawlnei (Sabbath) manglou te Vangam kailou ding chibang leh (Sunday) mangte gamsa (Khrist Doudalpa) chiemtena hatute ahi uh chi akiza hi. Khawlnei (Khawlnei) tungtang theisiemna dingin Heb. 4:f;a khawlnei thu kigente i en ding uhi:

- i) Pasion silsiem khawlnei Heb. 4:4
- ii) Kanaan gam khawlnei Heb. 4:6
- iii) Gingtute hagau lam khawlnei Heb. 4:9
- i) Pasion silsiem khawlnei Heb. 4:4: “Azieh khu ama’n mun khata ni 7 thu tam bangin a gen hi. Tualeh Pasion in ni 7 niin anasep (zousie) a khawlsanta hi. Genesis 2:2 thu a genna ahia, tualeh Pasion silsiem khawlnei khu ahi. Tualeh tami tungtang khu Sinai tanga Pasion in ami Israel tate kunga dan siengthou ang pieh te laha manding thu ang kipie hi. Ahivangin mihingte

hundamna ding a man poimaw ichi vang adih sih hi. Adam apat Mosi tan kum 2500 ahia, tami hun sungin Sabbath man ding thu mihingte kungah akipie kha sih hi. Hundamna khu sisan suoh a kithoina ahizing zaw hi (Gen. 4:1-5).

ii) Israelte Kanaan gam khawlna Heb. 4:6: Tuaziehin mi khenkhat khawldamna a alut ding uh thuchiem a um nalai zieh leh nidang a Khantanhoi kigen masahna te a, alut lou ziehung: Tammi in Israel tate Kanaan gam khawlna lut ding thuchiem um ngala, agintatlou zieh ua a lut lou uh thu agen hi. Joshua puina nuoi a khangtha hunkhop lut tamanan uleh Aigupta gama Pharoh nuoi sem gimte tampi Kanaan khawlna a alut ta sih uh chi imu hi. Tam khawlna khu tulai gingtute'n atahtah a man ding ahi sih hi, chi anuoi a khawlna thumna igen ding hagau lam khawlna etsahna giap ahi.

iii) Gingtute Hagau lam khawlna Heb. 4:9: Tuaziehin Pasion mite a dingin khawlna khat aum nalai, tam khu Hundamna khawlna, hagau lam khawlna, gingtu piengthate mu leh tan khu Mangpa Jesu'n nou semgim leh puohgih pawhte (Mt. 11:28) zousie ka kung ah hing pei un achi khu ahi (Heb. 4:7-8) a thu kigen hoitah in sim le chin tam thu khu na theisiem ding hi. Hun sawttah nua in David zang in Tuni, chi in bangni ahei khat aguot kia hi Azieh khu Joshuo in ama leh Israel tate na khawldam sah hitaleh tuami nua in aman nidang khawlna dang thu agen sih ding hi.

Athu umdan khu tambang ahi; Israel ten Kanaan gam khawldamna a umlaisie uh Pasion silsiem khawlnei khu amang ding dan uh ahi. Tam khu Pasion toh akikaal ua chiemtena ahi (Exo. 31:17). Hinanleh Israel taten a Pasion uh azuausan ta ua, tualai hun in gam chin a kithe thangta

ua, Pasion silsiem khawlna nii hi in Kanaan gam khawlna zong azang thei tasih uhi. Hitamananleh zong tulai hepina hungsunga Pasion in a tapa Jesu tatna gingtute khu Israelte hiin, Zentel te hileh Hagau lam khawlna, hundamna ahing pia hi. Atomlam a gen in khawlna ni masa igen tegel igen khu khawlna thumna tua igen pen etsahna aliim lel ahi. (Kol. 2:16) in “Mi koima in khawlna thu ahiei in noute hing dem

(awimaw sih uh hen). Tuate khu sil tungdingte (hagau lam khawlna) lim ahia, hinanleh atah khu Khrist ahi, achi hi; sil aliim leh atah khu ahoi zaw pen apoimaw zaw diei?

Pawltah nua a loukuon a phatuom nawn sih hi. Zanni a na ticket in bus tunga na tuon theilou mabangin, tulai hun a Sabbath man khu (Heb. 6:12) sunga na nasem sisate bawl nawn lou ding kichite laha pang ahi chi thei ding ahi.

Thupil tomklim sim inlen kingaituo in

- By Evan. Retd. Upa K. Mangpu
Sangaikot

1. Nang Pasion kung a tun nasawm a,
Pasion nang kung a tung nuom ahizaw hi.
= Nalungsim kot hong inlen tungsah masa in tua hileh nang zong Ama kung ah tung theita ve chin.
= Min na tung a abawl ding na deibang in nang mitung ah bawlmasa in chin Lai sienghou in chizuh a. (Mt. 7:12).
2. Biehinn hi piengthate kipawlkhawmna mai hilou in
= Migilou - Tawnkhiel, angkawm, khamthei, Guithei bawlte dinga Hagau damna (Hospital) ahizaw ding ahi.
3. Na hoi zieh a Pasion in nang ang dei ahisih a na hoilou zieh a Pasion in nang ang dei ahizaw hi.
= Na hoilouna ngaidam ding in Pasion in nang ang sui ahi Pasion kimupi kin in tua hileh ngaidam in umta ve chin.
4. Na hoina nasuonlam leh Pasion kipah sahsih vachin

- nahoilouna na suonlam leh
 Pasian kipah sah zaw vateh.
 = Mhing in khelna ihau
 chiet uh, tuate Pasian
 kunga thuphatawina ding a
 hoipen ahi.
5. Eiten polam hoi dan i-en
 chiet ua
 = Pasian in sunglam lungsim
 hoi leh hoilou a en zaw hi.
6. Eiten silpieh in Pasian
 lunglam i sui ua
 = Pasian thupieh zui khu
 Pasian deilam ahizaw hi.
7. Eiten Pasian Biehinn
 mimuon huoite patatna leh
 patawina izang ua,
 = Pasian patatna leh
 pahtawina ding Biehinn
 ahizaw hi.
8. Pasian ahina bangtah a i
 hat leh akipah a
 = Mihingte ahina bangtah a
 ihat leh alungthah hi.
9. Pasian Biehna na ngaisang
 a athupieh nazui leh Pasian
 akipah a,
 = Kipahman na mu ding
 guotsa in a koi hi.
10. Pasian tellou a hinkhuo
 kipahna ding na sui leh
 = Mu baibai sih vateh suisui
 nawn sin.
11. Eiten khovel bei chiengin
 kumtawn vaihawmna aum
 ding ichi ua, tu damsung
 hun khu kumtawn
 vaihawmna ahita hi.
 = Khantanhoi gingta loute
 gawtmun pei ding a
 gingtate kumtawn hinna
 tang ding uh

UPA SEMINAR 2019

15th Zou Presbyterian Church Synod Session thunuasie
 bangin 28th March 2019 (Ningani) 08:00am a pat 04:00pm
 tan MGPM Golden Jubilee Hall ah Synod huong sung a Upate
 Seminar um a, tuanah Rev. R. Lahlmingsanga, Partnership
 Consultant, Mizoram Synod in Seminar paper la in tua zou
 in Upaten Synod khantouna ding lunggelna toh houlimna
 thupitah nei uhi.

Tam Upa Seminar leh houlimna a pat Synod in Hagau
 leh tahsa a piching sem a kal i suon thei ding uh kinep a huoi
 mama hi.

FRIENDS MISSIONARY PRAYER BAND FMPB A MISSIONARY DING SUINA

India gam a Jesu min zanai loute kunga Khantanhohi puongzah tu ding mi kintah in kidei hi. Khanglai Nungah, Tangval leh nupa zong khohlou, mi piengtha leh Pasian hatna tang aapoimawna pou a kimante kidei hi.

Chitna dingte:

1. Class-XII ahilou leh akikimpi
2. Numei kum 23 Pasal jinei ahileh kum 30 tan zong lahthei
3. Interview mun ding Kolkata North East mite ading adieh in
4. Interview ni ding May 29, 2019
5. Engeneer, Media Computer leh khawllam siemna neite zong kidei hi.

Lunglutna nei koipou in tam anei a min gieltute kung ah application form muthei ding hi.

Upa K. Songkhotuan

Honourary Mobilization

Secretary FMPB

Pn. No. 8974955598

Upa T. Paukhansiam

EBC Missions Co-Ordinator

Ph. No. 9615433186

LUNGDAMPINA (CONGRATULATION)

Dated 11th March 2019 ni a Local Paper a imu bang un Zouveng a um Mr. T. Kapmuanthang @ T. Muanthang s/o Pu T. Gouzadou tapa in IFS a asepa Conservator of Forests Lower Assam Social Forestry Circle Bongaigoan apat Chief Conservator of Forest (CCF) ah Promotion mu hi. Promotion amu th kituoh in Haflong District sunga Dima Hasao mun ah Chief Conservator of Forest mawpuohna semdin Posting in um hi. Ama leh a innsung mite Presbyterian Central Church ah kikhawm uhi. Silpieh leh bangkim ah mi ginum leh ettontahte ahi uhi. Tam I Khristian tangkou tungtawn in ilungdampi thu i puong ua, maban ang septou zelna dingte zong thumpi vaui.

Zou Pressbyterian Church Synod Sawm-a-khat tukum sung a sungnailoute

- | | |
|---------------------|---------------|
| 1. Tuilaphai | 2. Nungshai |
| 3. Tuaitengphai | 4. New Zoveng |
| 5. S. Muvanlai khuo | 6. Zoukhonuum |
| 7. Munpi | 8. Tonjang |
| 9. P. Salem | 10. T. Zion |
| 11. Gamnuam | 12. Shillong |

.....

ZPWF Column

Tunnu Limbel 26th Feb-22nd March 2019 tan a panpina pete

- | | |
|---|--------------|
| 1. Nh. Rebecca Niangpi, Tuibuong | 10,000 |
| 2. Pa Kamkhogin, Central Church | 300 |
| 3. Nu Lunzangai, Central Church | 200 |
| 4. Nu Nousuanching, Central Church..... | 500 |
| 5. Pa H. Kapneithang & Family | 2,000 |
| 6. Pa Hangminthang, Saiboh | 500 |
| 7. Tv. H. Hauminlian TTS Imphal | 500 |
| 8. Upa Ginsuankhai, Tuining..... | 50 |
| 9. Nianglianaching, Maldius, Birthday | 600 |
| 10. 8th ZPWF Conference Pledge Card a nmu..... | 62,110 |
| 11. 8th ZPWF Conference tuohkhawm | 12,535 |
| 12. Sye Suankhenthang, Buhsau..... | 1,377 |
| 13. PWF Muallum Anntang Kg. | 65 |
| 14. PWF LDCC Hiengzou Anntang Kg..... | 67 |
| 15. 8th ZPWF Confrence Hachin leh kumkhat sung a dia
kichiem doh pumpi | Rs. 2,42,450 |

.....

Suunna

UPA KHAMKHANPAU KUM 68

(Sept. 4, 1951 - March 20, 2019)



Tanchin tomkim

Upa Khamkhanpau Munluo khu (L) Pu Thangkhokam leh (L) Pi Goizavungte goutan ta pa tahpen ahia, Sept. 4, 1951 in Singngat khuo ah ana pieng a, pienpi sanggam Pasal 4 leh Numei 4 ana pha uhi. 1955 in innsung khosah nopna ding ngaituona toh Sialna a na pmlut in, innten khosah ana siem hi. Kum 1965 in Pasian thu ana awi a date 30-3-1968 in Baptisma ana tang hi. Date 1-1-1970 kum in jinei in gil a ga goutan ta Pasal 4 leh Numei 5 ana hinkhie hi. Tualeh Date 3-3-1977 kum in Sialna Hattuum enkol ding in (L) Upa Thongzakhup, Moderator MGP khut ah Upa Ordination ana tang a, kum 14 sung Sialna Hattuum ana enkol hi. 1991 kum in Singngat Vengnuom ah ana pmlut a, Date 17-12-1995 in S. Vengnuom Hattuum enkol ding in re-instate ana kibawl a, a nna asef Pasian kung azot tan in ginum leh lungkelou in Hattuumte ana enkol hi. Ama hi, nasep kipahpi leh tu leh ta unau sanggam huoisiem ahia, tu minphuoh 6 anei hi. Hunsotkuom damlou a etkol ahi nua in a it angai teng nuasie in Dated 19-3-2019 nitah lang nai 8:00pm vel in thupina gam ahing zotsan tahi. Ama i it thu leh i suun thu tam i Khristian Tangkou deithaw huoitah tungtawn in ipuong uhi.

A laa dei:

Lathabu No. 355 “Peijel in muolkhum jel hun leh nite”

Bible tang dei: Mt. 5:20

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhanhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmang	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Seizapau
04. Pu L.C. Pautungnung	05. (L) Pi Khamkhanneieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
